

احمد آغايف بکه جواب [۱]

ميسکز؟ خير، چونکه فرانسز قومی، بر چوق عروقک
اختلاط و تصالیه تشکال ایتش بر عرق - اوت، کله نک
معانسی و شمولنی بیلهرک استعمال ایدیورم - بر عرق
مخصوص و هر دم تجددر .

هر عرقک تشککنده بیقرار و میال فرار اولان عنصر
اصلیدن زیاده ادیانک عامل مؤثر اولدینی هر یرده عیاناً
کوریلور .

[عربککنی عربیه، عجمککنی عجمه اعاده ایدرسهک
المزده اوزون قوللی خر قه دن بشقه برشی قالماز.] سوزمی
نیچون مستحق تعیب کوریورسکز؟. نم او خر قه ایله مناسبتیم،
او قدر مشکوک و او قدر مو هو مدرکه !!

عزیزم، بن نه بخارالی یم، نه سمر قندلی !! اکر او
خر قه حقیقه مقدس و موجودیت ملییه صیانت ایتمه
مقدر و کافی اولسه یدی بدن دها متعصب اولان اجداد
اونی آولا جبهیه، صوکرده سترهیه و جا کته تبدیل
ایتمزلدی. حتی جلال ساهر، حمد الله صبحی، کوپرلی
زاده محمد فواد بکلریله، یازیلرنده هر کون بخارایه بر قاچ
مرحله تقرب ایتمهک برابر، قیاقلرنده اوروپانک ظرافت
مترقیه سنی روزافزون بر اهتمام ایله تعقیب ایدیورلر !!
[المزده اوزون قوللی بر خر قه دن بشقه دهابر چوق،

وجدان ملیتی ابدی مفخرتله طولیره جق قدر شیلر
قاله جغنی] او خر قه نک شرفی نامته ادا ایتمک اونی بر قاندها
مسخره ایدر. [آولا المزده بیک سنه لک اسلامی
واسلامیتی محافظه و مدافعه ایتمه مرکز شرفی قاله جق]
دیورسکز. وطن و منشأ اصلیتی دنیانک اک متحکم
واک بی امان بر ربه اجنبیه سی آلتنده ازیلن و قهر اولان
بر عرق بیکس نامنه بوکی طفره فروشقلرده بولنلره
(بخارایلر قدر زواللی!) دیرلر.

خلافت اسلامیه یی دوشدیک درکه مذلتدن تخلص
واعلا ایتش اولانلر، سزک اوزون قوللی خر قه لریکز
دکل، مدنیت اسلامیه نک پرورده واعداد ایتدیک ایادی
ممتاز ایدی. او خلافت معظمه یی مصرده کی بر مدرسه

هر کسک دائره اطلاعی داخلنده عادتاً اسکیمکه
باشلامش اولان بو پک معلوم حقایق تاریخیه یی بردار فنون
تاریخ معلمنک خاطرینه کتیرمک، مجبوراً اولسه بیله،
بنده کزی محبوب ایدیور. عرق کبی دائماً اختلاطه
و دائماً تحوله محکوم بر اساس اوستنده (وجدان ملی) نک
پایدار اوله بیله جکنی ادعا ایتمک و قایعنامه اقوامی املایدن
حادثاتی جف القلم انکار ایتمک در. فرانسه کبی محدود
و معین بر یرده بو قدر قاریشیق اولان (عرق) ک بالخاصه
بزده نه قدر مخلوط و مشوش اوله جغنی سز - فقط عنادک
یرینه انصافی اقامه ایده رک - حساب و تعیین ایدیکز.

آسیای وسطادن کتیردیکمز قانه برکت ویرسون که
بر چوق دماء اجنبیه قارشدی. یوقسه او خون بدوی
بو قدرده حائر قدرت تمدن اوله مازدی.

جوانامه کزی وجوده کترین سلسله عجائب آراسنده کی
شواکی سطرده حیرتمی صوک درجده تهییج ایتدی:

..... فرانسه ملتی کندیته خاص اولان دهای،
یا لکز شو وجدان ملی، شو روح قومی بولمقدن صوکره
ابراز ایده بیلمشدر
دیورسکز.

پک زیاده رجا ایدرم آغايف بک، شو وجدان ملتینک
هانکی منبعلردن نبعان ایتدیکنی بزه ایضاح ایدیکز.
فرانسه نک بو کونکی روح متکاملنده غولوالیلر دورینک
عادات و عنعناتی دهاز یاده حا کدر، یوقسه یونان ولاتین
مدنیتریه خرسیتیانلغک متروکات و تبرعاتی؟؟.

ینه سویلکزی رجا ایدرم که فرانسه نک وجدان
ملیتی نهیه استداد ایدیور، ونه ایستیور...؟

بو کون (فرانسزم) دین و آمال ملیه نک محراب
تجلیسی قارشینده وقف وجد و غشی اولان انسانلرک
هپسی منشأ اعتباریه عین عرق اصلی به ارجاع ایده بیلیر.

[۱] ماقبلی اجتهادک کچن واولکی نسخه لرنده

ویرانك كنچ پر غبارندن، استانبولده کی طوبقهو سرای
محتشمنه نقل واصعاد ایتش اولان حکمدار عظیم الشان،
اونو تمایکزرکه، خانمانی چنکیزک خراب ایتدیکی برسلیمان
شاهک، شوکت و حیاته تیمورلنکک ختام ویرمش اولدیغی
بریلدیرم بایزیدک نجل نجیبی در .

صلاح الدین ابو بلی

در .

سلطان محمود غزنوینک فردوسی طوسی بی بر آراق
اعاشه ایتش اولمسندن انتهاز فرصتله ادبیات ایرانیه بی
تورکلکه متتدار کو سترمک - آمان یار بی! نه لر ایشید -
بیورم! ... - قلمکزرک هر صریر جنبشنه بیك قهقهه
استغراب واستهزا جلب ایدر. و - کله بی لطفاً عفوا دیدکزر -
دنیاده بوندن دهامضحک برشی اولماز .

هنوز کندی دیلی قابل تدوین و تحریر اوله حق
بردرجهیه کلامش اولان بر تورک پادشاهنک زماننده (شهنامه)
کی ابدی بر آبد ادب ابداع ایده بیله جک استعداد
وقابلیت عجمجده اساساً موجود اولماسهیدی، سلطان
محمود غزنوینک بالعموم خزان و دفائی تک بر بیت
بیله یازدیرمغه مقتدر اوله مازدی . مادامکه او تورک
پادشاهنده خارقه لر وجوده کتیره بیله جک بر قدرت
ما فوق البشر وار ایدی، نیچون کندی لسان و عرقه
افاضه حیات ایتدی . اسکی عجم شاهلرینک مناقب
اجلالی تر نیم ایدن (شهنامه) نک هر بیتی محمود غزنوینک
عرق و دینه آتیش بر سنک تعریض واستحقا در .
اک صوکرده شهنامه قدر مشهور و متین اولان هجویه ایله
او بیچاره تورک خاقانی بالذات پامال تجاوز اولدی .

سلجوقیلرک بغدادده، شامده، قونیهدده کی خدمات
و موفقیاتدن متولد شان و شرفی منحصر آ آسیای وسطایه
ارجاع ایتکده پک کولنجدر . بوکون رومانیانک باشنده
پروسیلی بر حکمدار، یونانستانک تختنده دانیار قهلی
بر قرال بولنیور. شواکی قطعهیه عائد تجلیات تاریخیه دن
اوایی عرقه برر حصه عار و افتخار افراز ایتمکه سزجه
امکان وارمی در؟ ..

اهل صلیب مهاجماتیده تورکارک عقیم براقش

اولدیغی صیقلیه رق، و حتی افتخار ایدرک، سویلورسکر.
دارالفنون طلبه سنه دکل، هر هانکی بر مکتب رشدی
شا کردینه او ماجرانک اک بیوک قهرمانی صورسه کز
در حال آله جفکزر جواب،

صلاح الدین ایوبینک قائنده، لساننده تورکلکدن
بر قطره و ذره کوستره بیلیرمیسکزر؟. بو بیوک دینداش
اسلام محیطنده پرورش یاب اولمش بر کورد ایدی. و بو کورد،
صلیبی خنجره تحویل ایتش اولان عیسویلرک هجمات
متوالیه سنه قارشی حضرت محمدک مؤسسات مقدسه سی
حامست و حکمتله مدافعه ایدرکن، چنکیزله اولاد
واحفادی دیگر طرفدن واک معمور و مرغه دیار و اقطار
اسلامی - اهل صلیبدن زیاده - تخریب ایدیوردی .
او چنکیزکه بو کونکی تورکی و یوردجیلر من طرفدن
قدسیت سماویه ایله مشمول کوستریلور! .

اسلامک سرحد غریبسنی آلتی یوز سنه دن بزی
قانی و جانیه مدافعه ایدن دولت عثمانیهیه، قدر الهی
اک بیوک ضربه مهلکه کی تاتار و تورکلر دن متشکل
تیمورلنک اردوسنک ایلله ایندیردی . سز یالکزر
اجنیلرک دکل، اسلاملرک و عثمانیلرکده تاریخی
تخریف ایدیورسکر .

(اوزون قوللی خرقه) اندلسه کیتماش اولدیغیچون
اوراده کی مدنیت و شوکت اسلامیه نک پایدار اوله ماداغی
ادعا ایتک، یالکزر قلمکزدن صادر اوله بیله جک و یالکزر
قلمکزه یاقشه جق غرابلردندر. هایدی، عثمانلی تورکلرینک
منحصر آ اوزون قوللی خرقه دن نشئت ایتش اولدیغی
فرضیه سنی بر دقیقه ایچون قبول ایدیم. صورارم سزه:
وقیله طونه نهرینی بیله کچمش اولان عثمانیلر بوکون
مریج کساننده طوتونمق ایچون نهدن بو قدر مشاق
و مزاحم اختیار ایتمکه مجبور اولیورلر؟ سلطان محمود
غزنوینک هندستانده کی دولت و شوکتی نه اولدی؟ .

لازستان سنجانده کی خو په قضا سندن نچد قطعه سنده کی
(قطر) شبه جزیره سینه قدر - ازغریه مائل - برخط
مستقیم چیزیکر. بو خطک غربنده طول شمع تهله کی در.
جلال ساهر بکی، حمدالله صبحی بکی، کوپرلی زاده فوآد
بکی - وبالخاصه کوپرلی زاده فوآد بکی - آله رقی بو
حدودک شرفدن دائماً شرقه وشاله طوغری ایلرلیکیز.
کیده جککیز یرلرده نالان و پریشان برچوق اقوام کوره.
جکسکیز. بونلرک هان هپسی تورکدر. اولره دیکیزکه:

— سزکده ملتیکز و برحق و حیثیکز وار. ایچنده
چیرنه رق سوروندیکیز بو درکه جاهلیتده یا شامغه
چالشمقله نه ملتیکزه، نه حق و حیثیکزه بر سلامت و تعالی
تأمین ایده بیلر سکز. آلتی یوز، سکز یوز سنه اول بورلردن
غریه طوغری کیتمش اولان بر قاچ قبیله لسانکزدن
بعض عناصر بسیطه کوتورمشدی. اولوازم انشائیندن
بر لهجه بیان وجوده کدی که سزک ایچون دائمی افسون
نجات واعتلا اوله بیلر. اولری اوقویکیز، اوکره نیکز.
بورلردن کیتمش اولانلر آلتی یوز سنه دن بری یالکیز
کندی موجودیتلرینی ادامه ایچون دکل، سزکده ایمانگیزی
مدافعه نامنه متوالیاً جان و خانمان فدا ایدیورلر. مجادله
حیات ایچنده مضطر قالدقیری زمان اوستلرینه صالدران
تهدید واستیلا اردولرینی نقدخون و خون نقدکزه تقدیه
ایتمکیز. بوسزک ایچون عاردر، ضرردر، تهله که وهلا کدر.
ملیه اهتدا ایتک ایسترسه کز فکرآء حسآء املاً عثمانیلره
اقتدا ایدیکیز ...!

حالبوکه سز بویه یا پیورسکیز آغایف بک! سزاو
ابتدائی آدمیری بزم درجه مزه چیقاره جق یرده بزى او
درکيه ایندیرمک ایستیورسکیز. لسانمیزک آلتی یوز سنه لک
ترقیات قیمتدارینی الکزدن کلسه برآنده قریمه، بخارایه
پیشکش ایده جکسکیز.

سرمایه الفاظ و افکاری بزم سلطان اورخان زماننده کی
شاعرلر عز ککندن زیاده اولمیان بیچاره عبدالله توقایفه

او قوجه قطعه ده بو کون تورک لسانیه متکلم برآدمه
تصادف ایده بیلر میسکیز؟ .. کلمات ترکیه نك بی نصیب
تقیهم اولدینی اودیار دورا دورده فقط اذان محمدینک
صلای دعوتنه سکسان میلیون دهان پرایمان کونده بش
دفعه اجابت عرض ایدیور! ..

نادر شاهک تختگاه هیبتیناهی اطرافنده شرقی سویلین
موسقوف نفرلرینک ولوله سرمستی، بوسطرلری یازارکن
قولالکرکزی تعذیب ایله دعواکزی تکذیب ایتدیمی؟ ..
سزک وجدان ملتیکز اولدینی کبی، وجدان علمیکزده
یوقی در؟ ..

تکرار و اصرار ایدرم که تورک عرقنده فوق العاده
بر قدرت منجیه وارسه الک اول کندی نجاتی احضار
ایسون. و روسیه نك لطمه تحقیری آلتنده انسانلقدن
هر کون برپارچه ده اوزاقلان بخارا خلقتی قورتارسون.
او اوتوز میلیون تورک بودقیقه ده بر قویون سوروسندن
فضله قوته و - حجاب واسفله سویلرم - حیثیه مالک
دکلدر.

بن هندیلیری تورک و تاتارلردن ده مترقی کوردم.
آسیانک وسطنده اجرا اولنان مظالمک یوزده بری جنوبنده
ایقاع اولنه میور. کوره جکسکیز که بخارایلر حیوانله
انسان آراسنده فصل مشترک اولمادقلرینی اوکره ندن
هندی و هندولر اقوام متمدنه میاننده یوکسک بر موقع
حیثیه صاحب اوله جقلردر.

فقط بن سزک ملتیه پورولککزدن ده استفاده ایتک ایسترم
آغایف بک. بعض احواله زهرده علاج شافی اوله بیلر.
سزنی الحقیقه تورک عرقی تخلص و تقویه ایتک ایستیورسه کز
که ایستدیککزده شبهه یوقدر - بو مملکتده کی تشنت
افکار و آمالی تزید ایتکدن بشقه بر شیئه یارامیان
مساعیکزه اصل تورک دیارنده میدان حاضر لاییکیز. ایشته
سزه برجد و بر منطقه ارأه ایدیورم:

يوردىكزك شاعر محرر لرندن كوپر بلى زاده محمد فواد بك
صحيفه صحيفه مناقب ابجال يازار كن ينه اوشاعر محرر لرندن
على جانب بك توفيق فكرت ايچون بي پايان سطور تنقيد
ومواخذة قاره لايور. او توفيق فكرت كه ذات و آثاريله
آلتى يوز سنه لك بر تاريخ و آلتى بيك سنه لك انسانيت
افتخار ايدر.

بونلر نه مقصده ياپيليور؟.. توركلرك سويّه اذعائى
توحيد ايجونمى؟.. لكن او اوچور و ملر او قدر درين دركه
موجود و معدود اولان شاهقه لرى ييقمقله اولنرى املا
ايدة مزسكز؛ آراده بزم - هر ثانيه سندن بيك قطره خون
ترشح ايدن - آلتى يوز سنه لك مساعى مجدهانه مزك ثمرات
مباركه سى محو اولور. وجدان مليكزك ايسنديكى بوميدر؟.
وبوكا يازق دكلى؟..

سز اكر بولمته خدمت ايتمك ايستيور سه كز - كه
تكرار ايدرم كه ايسنديك كز ده بنم شبهم يوقدر - نشر ياقى
فعلياته تبديل ايديكز. دنيا ده كي حقيقتلرك اك بيوكى
احتوا ايدن،

(وطن حرّ و محترم ياشانيان يردر)

جمله سى عبدالله جودتك قلمندن جريان ايدر ايتمز
جلال ساهر بك حدى ايچون فوران ايتدى؟..
توركييلر، يوردجيلر، تورانجيلر حرّ و محترم ياشا -
نليه حق برى، بر جهنمى وطن اولمغه دهامى لائق
كور يورلر؟ وطن پرورلكلرينك غايه خيالىسى بر حفره
حقارته طيقلمقيدير؟..

هنوز بك كنچ ايكن (ثروت فنون) صحيفه لرنده
بيوك بر استعداد شاعرانه كوستردهك استقبال ادبه بك
چوق اميد و مواعد هديه ايتمش اولان جلال ساهر ك
- آدى بيله بر شعر بديع اولان - (بياض كولكلر) نده
مندج آثار نفيسه سيلاه عبدالله جوده اولان - كويا مظلوم -
عتاييه سنى كوز اوكنه كيترنلر آز زمانده كي تحوله و تحوّل
آلميه جدا تا سَف ايدرلر. زواللى جلال!.. او مظلومه ايله
كندى شاعر لكك كتابه پريشائى يازمش!.. جلال ساهر

بكك الصميمى و خير خواه او داي مكرمه سندن شاعر اعظم
عبدالحق حامد بك بيله بو استحاله دن متأثر اوله رق چكن كون
(جلال ساهر ، بر آنده قارتيه لاتندن سمرقنده كوچى
ويردى !) ديورلردى . فقط بوكا تعجب دك ، تأسف
ايدلى در . يكرمى ياشنده ئولنلر اولسون ده نيچون اوتوز
ياشنده اختيار لايانلر بولماسين ؟..

عزيزم آغاي بك ، بزده كي مليتك اسباب و صوبه
تشكلى آتيا ايضاح ايدم جكم . يكي وجعلى بر وجدان
ملى وجوده كيترمكه احتياج يوقدر . مساعيكزى
پهوده اسراف ايتمكز . فقط ترك عرق خسته در ،
آريور ، چورويور ، بيتيور . صيتمه دن ، ورمدن ،
فرنكيدن مصون كويلر و اسفا كه آناطوليه
قلمدادى . (تورك يوردى) بو آفتلرك مصابين بيكسنة
بر منبع شفا و شفقت اولسون . سويليكز ، بويولده هيچ
بر تشبلكز سبق ايتدى ؟.. نكاه ادراكى ، او كنده كي
افق مرئيه بيله يتيشه مين كويلر وار . بونلر مثلا
سينه ما طوغراف واسطه سيلاه اولسون ، بو وقايعدن بر قاج
منظره كوسترلدى ؟.. ايشته ياپلىسى اقدم والزم اولان
شيلر بونلر در ، تحريفات تاريخيه ايله تشويش اذهان
دك !. بزم غايه خياليزه بيك اوچيوز سنده دن برى
حضرت محمد شرف بخش اوليور ، بونك يرينه چنكيزى
اقامه ايدم ميز .

شعره چوق ايتدم هوس قلم ايله جانمله بن
چونكه ايتدم افتراق جانمله جانانمله بن
عجيبه سيلاه ،

كچمسون قارا نغيلقده ماهمز ، هم سالمز
غافلر بز ، جاهلر ! وای حالمز ، وای حالمز

صاحبه سنك قائلى اولان عبدالله توقاينى توفيق
فكرتك موقع بلند شاعر يته اصعاد ايدميه جكمز
كې ! ..

مابعدى كله جك نسخه ده .

مليان تظيف